

Epesə 5:22-24 Denéje, tədjekag ḥgaw sīje to gé sej tədje ne kag Mbaidombaije bée tō, 23 mbata ḥgaw dené to dəw dō dené ləa to gé Kristi kara to ne dəw dō Eglisə gé to darəa-yeę ləm, yeę nja gé njekajee ləm tō. 24 Bèe ba, to gé Eglisə təd ne kag Kristi lē maji kar denéje kara tədkag ḥgaw deeje dō néje'g lai bée tō.

Epesə 5:31,33 Gelee gé nee ba, dingam a kyā bōbeeje gé keaje ndá deę gé dené ləa d'a kōm nā'd yęg kar deę joo bōr d'a tel to ne darō gé kára ba. 33 Togábè ba, maji kar nana kara mbuna sī'g unda dené ləa dan kəmee'g to gé yeę ra ne gé darəa-yeę nja bée ləm, dené kara maji karee tədkag ḥgabeeje tō.

1 Koritə 7:3 Maji kar dingam taa dené gé dené təa ləm, dené gé rara kara taa ḥgaw gé ḥgaw təa ləm tō.

1 Koritə 7:34 Yee ba mée to ne joo ya. Kā dené gé taa ḥgaw gé ḥgomadə gé taa ḥgaw el bəi lē kara to bəd-bəd togébè ya tō. Yeę gé taa ḥgaw el lē néje lə Mbaidombaije ba wa mée. Yee ba gé néje lə Mbaidombaije gé a kar darəa gé ndilee àr ne rang-rang ya. Yeę gé taa ḥgaw lē néje gé dō nang nee ba wa mée mbata yeę saŋ loo mba kar mee ḥgabeeje lelee tō.

Kolosə 3:18 Denéje, osoje kul rō ḥgaw sīje'g, yee ba gé' nékemra gin Mbaidombaije'g ya.

1 Timote 2:11-15 Maji kar dené sī gé təa mundu loo gé deę d'isi ndée ta ləm, a koso ne kul ləm tō. 12 Ma m'un ndum m'ar dené mba karee ndoo dee né el ləm, a si gé dəw dō dingam el ləm tō, nę yeę a si gé təa gé mundu ya. 13 Mbata Jehova unda Adam kédé ba unda Ebə orè ne gée bəi. 14 Tōbəi Adam ba taa ta kər neelé kédé el nę dené ba d'əree d'aree taa ta sula neelé ar kalta wa ne dəa. 15 Lé kalta nai dəa'g bəi kara bō lé yeę aw yururu ai mée sam-sam dō meekun'g ləm, gé dō meenoji'g ləma, gé dō meenda'g lé ləm tō ndá a kaji ne loo koji ḥganeeje'g ya.

Gj-Néje 3:16 Yeę ula dené lē pana: M'a kila meeko dō maree'g k'ari loo gé i a kaw gę kém. M'a kar kém ulai ndubu unda nje gé kédé ləm, Ndō koji ḥgon ləi kara ndoo a tooi yaą ləm tō. Néndiŋga ləi a kij rō ḥgabije'g Né yeę a to dəw dōi ya tō.

1 Pierə 3:1,2 Sej denéje lē maji kar sī tədjekag ḥgaw sīje mba kar bō lé njé gé naje d'ila koji dō kankəmta'g neelé ndá néra gé maji lə denéje lə dee ba a kar dee d'ila ne koji dō'g ya. Bō lé sej a kula deeje ta gé rang kára el kara 2 kag dee gé sej a tədje ləm, gé meę sī gé nda dō dee'g kai ləm tō lé ba sej a kiŋga deeje ne ya.

Titə 2:1-5 I lē maji kari ula dee ta néje gé d'aw nā'd gę ta ndoo gé gəd lē. 2 Maji kar tōg-dəwje d'isi ləm ləm, d'ai meę dee sam-sam ləma, d'a tō meę dee ga-ga ləm tō. Maji kar dee to bao-meekunje ləm, gę bao-meenojije ləma, gę bao-meekilaje ləm tō. 3 Maji kula denéje gé tōg lē mba kar néra dee injaw paw gę meenda ləm, kar dee d'unda nani el ləm, kar dee d'wa rō dee gę bərje lə kidō el ləma, kar dee ndoo ne dəwje ta gé maji ləm tō. 4 Yee ba d'a ndoo ne njéngao-sigije kar dee d'unda ḥgaw deeje gę ḥgan deeje dan kəm dee'g ləm, 5 mba kar dee məəm rō dee ləm, mba kar dee ləm rō dee ləm, mba kar dee ra kəi lə dee bur-bur ləm, mba kar dee to gé njémeemajije ləma, gę mba kar dee d'oso kul rō

ŋgaw deeje'g ləm tə. Togébè ba dəw kára kara a koo loo bar ne ta lə Jehova el. Gosota-Kəmkàrje 12:4 Dené gé njemeemaji lé To dəgugu lə ŋgabeeje, Nə yẽ gé ila rəkul də loo'g lé To asəna gə kuru gé sō siŋga rə ŋgabeeje bèe.

Gosota-Kəmkàrje 14:1 Dené gé njekəmkàr lé ra kəi ləa, Nə yẽ gé to mbə lé tuji kəi ləa gə jia-yẽ ya.

Gosota-Kəmkàrje 19:13 Ðgon gé mbə lé to néurti mbata lə bəbeeje ləm, Dené gé njekunda tar lé to asəna gə kəi gé ndəi əw el ləm tə.

Gosota-Kəmkàrje 21:9,19 Kisi kəi kobo'g lé Maji unda korè nə gə dené gé njetar mee kəi gé maji'g. 19 Kisi dədilaloo'g lé Maji unda kisi gə dené gé njetar gé mée i̊ səa jugugu-jugugu.

Gosota-Kəmkàrje 25:24 Kisi kəi-kobo'g lé ba Maji unda korè nə gə dené gé njetar mee kəi gé maji'g.

Gosota-Kəmkàrje 27:15,16 Dené gé njekunda tar ləm Gə kəi gé ndəi əw el ləm tə lé d'asəna. 16 Dəw ndigi kəg dené gé njetar tar lé To gé lel gé yẽ ndigi kəgee loo kula, Esé ubu gé yẽ ndigi kwa gə jia tə.

Gosota-Kəmkàrje 31:10-31 See nə ba askəm kiŋga dené gé njemeemaji wa. Yẽ lé gadee ur də mərkwojije'g. 11 Ðgabeeje ɔm mée dəa'g ndá Némajije a lalee el. 12 Ndəje lai gé yẽ si ne kəmba lé Yẽ ra səa némaji bó né gé majel el. 13 Yẽ iŋga kubu gé d'yuji gə b̄i badje Gə kúla palégal ləm, Yẽ ra kula gə jia gə rəlel ləm tə. 14 Yẽ to asəna gə bato lə njérab-néje ləm, Yẽ i̊ gə nəsə ləa loo gé əw'g ba ree ne ləm tə. 15 Yẽ i̊ta bad ba loo àr bəi, Yẽ ul njémeekəije ləa gə nəsə ləm, Yẽ kai ŋganjélookisije ləa gé dené kula gé lée-lée ləm tə. 16 Yẽ əji də ndə'g ndá yẽ ndogo tə, Kandə néje gé i̊ jia'g lé ba yẽ məa ne nduú. 17 Singamоn ba yẽ tə ne rəgee ləm, Yẽ ar kag jia bar mèr-mèr ləm tə. 18 Yẽ oo to gé né gé yẽ iŋga lé to maji ləm, Pərndə ləa wəi misi loondul'g el ləm tə. 19 Yẽ wa kag gé b̄i keneŋ gə jia ləm, Ðgan jia wa kag yomri kula yeren ləm tə. 20 Yẽ ula jia ndiŋ la ne gə njenékəmndoo ləm Yẽ ula jia ndiŋ la ne gə njendoo ləm tə. 21 Yẽ bəl kul gé ə mbata lə njémeekəije ləa el Mbata njémeekəije ləa lai d'ø r̄ dee gə kubu gé kas njir-njir. 22 Yẽ uji bel-kubuje gé ndər mbata ləa-yẽ ləm, Kubuje ləa-yẽ to kubu gé ra gə kúla palégal gé maji ləm, Gə ndajee ndul piro-piro ləm tə. 23 Ðgabee iŋga ribar tarəwkəgje'g Loo gé yẽ si gə ŋgatəgje gé mee bee'g. 24 Yẽ uji kubu gə kúla palégal gé maji ar dee ndogo səa ləm, Yẽ ra né asəna gə ndar kwa mee ar njérab-néje ləm tə. 25 Singamоn gə rənduba to kubu kula rəa'g ləm, Yẽ kogo gé kogo də ndəje gé a gə ree ləm tə. 26 Yẽ teẽ təa pata gə kəmkàree ləm, Ta ndooje gé lel ba ndəq̄ teẽ ne ləm tə. 27 Yẽ si kəmba də néje gé dəs mee kəi'g ləa ləm, Yẽ ə muru rəkas el ləm tə. 28 Ðganeeje d'i̊ta baree njerəlel ləm, Ðgabeeje kara i̊ta pidee ləm tə pana: 29 Denéje bulaa panjaa dee maji yaq̄ ya, Nə i̊ lé kai̊ ur də dee'g lai. 30 Ra meemaji mba taa ne kəm dəw lé To né su kəm loo ləm, Mədə gé dar̄'g lé kara To né gé a dəs bəi ləm tə, Nə dené gé bəl Njesigəneq̄ ba d'a pidee. 31 Aree kandə kula rəa gé nékoga də jia ləm, Ar kula reaje pidee tarəwkəgje'g ləm tə.